



Biblia para na maga Bata
ta presenta

Cuando El Dios Ya
Hace Todo Las
Cosas



Ya Escribe Si: Edward Hughes

Ya Illustra Si: Byron Unger; Lazarus
Alastair Paterson

Estaba con: Bob Davies; Tammy S.

Ya Traduci El: www.christian-translation.com

Ya Produci El: Bible for Children
www.M1914.org

©2021 Bible for Children, Inc.

Lisencia: Tiene tu derecho copia y emprenta este storia,
pero nuay tu permiso bende con este.



Kien ya hace canaton? El Biblia, El Palabra del Dios,
amo ta habla paquemodo el maga gente ya principia.
Antes, El Dios ya crea con el primer gente y su
nombre si Adan. El Dios ya crea con Adan desde el
polbos del tierra. Cuando El Dios ya dale
resuelyo con Adan, ele ya vivi.
Ya descubri le con
su presencia na un

bonito
hardin que se
llama Eden.




Antes que El Dios ya crea con Adan, ya hace Le bonito con el mundo y vale las cosas. Uno por uno, El Dios ya hace con el maga gulod y savanna, mga flores oloroso y maga palo alto, maga pajaro de colores y maga buyug, maga ballena ta nada y maga marisko malandug. Actualmente,

el El Dios ya hace con todo el que tiene - todol las cosas.




Cuando ya principia,
antes el Dios que ya
hace las cosas, nuay
que cosa tiene siendo
El Dios. Nuay gente,
nuay lugar, nuay las
cosas. Nuay nada.
Nuay luz y nuay
escuridad. Nuay arriba
y nuay abajo. Nuay
ayer y nuay mañana. El
solamente que tiene
amo el Dios que nuay
principio. Despues, el
Dios ya mobe.



Cuando ya principia,
el Dios ya crea con el Cielo
y con el mundo.




Y el mundo sin forma
y sin carga. Y el
escuridad ta esta
na hondo. Cabar
el Dios ya
habla.
"Tiene
luz!"



Y ya tiene luz. El Dios ya llama con el luz Dia y el
escuridad ya llama Le Noche. Y el de noche y el de
dia amo el primer dia.



Na segunda dia, El Dios ya pone conel agua del mar,
y del maga sapa na pwesto abaho del cielo. Na
tercero dia, ya habla el Dios, "Manda abuya con el
tierra." Y este ya susede.



El Dios tambien ya manda abuya con el maga
sacate y flores y siembra y maga palo.
Y todo se ya abuya. Y el
noche y de dia amo
el tercero dia.



Despues, El Dios ya hace con el sol, y el luna y monton de estrella que ningunos pwede cunta. Y el noche y de dia amo el aka cuatro dia.



Mga criatura del mar y
pescao y pajaro amo el
siguente na lista del Dios.
Na aka cinco dia ya hace Le
con el maga grande pescao
de espada y maga diutay
sardinas, el maga ostrich
y maga pajarito. Ya hace
El Dios todo clase de
pescao para llena el entero
agua del mundo, y todo
clase de pajaro para con
gusto na tierra, y na mar, y
na cielo. Y de noche y de
dia amo el aka cinco dia.



Akabar quel, El Dios ya conversa otravez. Habla pa Le, "Manda todo clase de criatura vivi na mundo..."
Todo clase de animal y insekto manda abuya. Talya el maga grande elepante y maga ocupao beavers. Maga chonggo salawayun y maga buwaya barumbao. Maga gusano malihuk y chipmunks. Maga giraffes y maga gato maamo. Akel mismo dia, todo clase de animal ya hace El Dios.

Y de noche y de dia amo el aka sais dia.



Tiene pa cosa ya hace El Dios durante el aka sais dia - un cosa que bien especial. Todo las cosas preparao ya para con el gente. Tiene ya comida areredor y maga animal para sirvi con ele. Y ya habla El Dios, "Hace kita gente desdel di aton imaje. Manda con ele domina con todo las cosas na entero mundo." PORESO EL DIOS YA CREA CON EL GENTE DESDE SU IMAJE; NA IMAJE DEL DIOS CON ELE YA CREA ...



Habla El Dios con Adan. "Pwede tu come todo que cosa tu quire alyi na Jardin. Pero numa come con ese talyi na pono del saber de bueno y malo. Si come tu con ese, asiguraa tu muri."



Y El Dios Señor ya habla, "Hinde bueno el gente keda solo. Hace Yo ayudante para con ele."
Ya lleva El Dios todol maga pajaro y animal con Adan. Todo ya nombra si Adan. Entonces bien listo le pensa para hace con este todo. Pero entre estos maga pajaro y animal, nuay syempre sutable uban si Adan.



Ya manda durmi El Dios con Adan. Ya quita uno del su bukug na costañera, y ya hace El Dios con el muher desde el pedasito costañera di Adan. El muher que ya crea El Dios amo el exactamente propio pares para con Adan.



El Dios ya hace todo las cosas adentro na
sais dia. Despues, El Dios ya bendeci con
el aka siete dia y ya hace este el dia de
Descanso. Na hardin de Eden, si Adan y
Eba ta esta alegre ta obedece con El
Dios. El Dios amo el di illa Señor,
que Ta Mantene, y de illa Amigo.



Cuando El Dios Ya Hace Todo Las Cosas

El Estoria Del Palabra Del Dios, El Biblia

hay pwede encuntra na

Genesis Uno-Dos

"El frontera del Tu Palabra ta dale luz."

Psalm 119:130



El Fin



Este estoria de Biblia ta conta canaton paquemodo de adorable el Dios kien ya hace canaton y quiere Le que conose tu con Ele.

Sabe El Dios que manda maldad kita que ya hace, y ta llama este Le pecado. El sentencia del pecado amo el muerte, pero cay ta ama canaton el Dios, ya imbia Le con el de Su Unico Hijo, si Hesus, para muri na cruz y sentencia con Ele para na di aton pecado.

Y si Hesus ya vivi otravez y ya bolbe na Cielo! Si ta cre tu con Hesus y pidi tu con Ele perdona de tu pecado, hay hace Le se! Hay bene Le, y esta hunto contigo aura, y tu hay vivi hunto con Ele hasta para cuando.

Si ta cre tu coneste verdad, habla tu este con el Dios: Dios mio Hesus, Ta cre yo que tu el Dios y ya queda hente para muri por causa na di amon pecado, y aura Tu ya vivi otravez. Favor entra Tu na mi vida y perdona conel di mi maga culpa, para iyo hay tiene nuevo vida aura, y un dia man hunto contigo hasta para cuando. Ayuda conmigo obedece Contigo, y vivi Contigo como de tu anak. Amen.

Leh con el Biblia y conversa con Dios todol dia! Juan 3:16

